



Broj: 0101-5153-11/18  
Sarajevo, 03. 04. 2019. godine

Na osnovu člana 72. stav (3) tačka f) Zakona o javnim nabavkama BiH („Službeni glasnik BiH“, broj: 39/14) i člana 62. Statuta Univerziteta u Sarajevu, nakon provedenog otvorenog postupka zajedničke nabavke robe-Plastenik i prateća oprema sa instalacijom – LOT 2 - Univerzitet “Džemal Bijedić” u Mostaru, na preporuku Komisije za javnu nabavku broj: 0101-5153-7/18 od 21. 01. 2019. godine, rektor Univerziteta u Sarajevu donosi sljedeću

### **O D L U K U**

#### **o poništenju postupka javne nabavke robe – Plastenik i prateća oprema sa instalacijom LOT 2 – Univerzitet “Džemal Bijedić” u Mostaru**

#### **Član 1.**

Postupak javne nabavke robe: Plastenik i prateća oprema sa instalacijom – LOT 2 – Univerzitet “Džemal Bijedić” u Mostaru, i Odluka Ugovornog organa broj: 0101-5153-9/18 od 29. 01. 2019. godine kojom je dodijeljen ugovor o javnoj nabavci robe – Plastenik i prateća oprema sa instalacijom-Erasmus+ projekat BUGI – LOT 2 - Univerzitet “Džemal Bijedić” u Mostaru, ponuđaču ITC Zenica doo, Zmaja od Bosne bb, 72000 Zenica, SE PONIŠTAVAJU iz razloga što je navedeni ponuđač u skladu sa članom 72. stav (3) tačka f) Zakona o javnim nabavkama BiH, odbio zaključiti ugovor pod uvjetima navedenim u tenderskoj dokumentaciji i ponudi koju je dostavio.

#### **Član 2.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

### **Obrazloženje**

Na osnovu Odluke o pokretanju postupka zajedničke javne nabavke broj: 0101-5153-1/18 od 12. 10. 2018. godine, Univerzitet u Sarajevu je proveo otvoreni postupak za nabavku robe-Plastenik i prateća oprema sa instalacijom.

Odlukom broj: 0101-5153-2/18 od 12. 10. 2018. godine, imenovana je Komisija za javnu nabavku u sastavu: Adnan Kafedžić, Univerzitet u Sarajevu, Mirza Mehaković, Univerzitet u Sarajevu i Aida Mrnđić, Univerzitet “Džemal Bijedić” u Mostaru. Za zamjenske članove imenovani su Iris Bilalagić, Univerzitet u Sarajevu, Ines Mulić, Univerzitet u Sarajevu i Mr. Adela Proho, Univerzitet “Džemal Bijedić” u Mostaru.

Obavještenje o nabavci broj: 999-71-1-145-3-57/18 objavljeno je na Portalu javnih nabavki dana 19. 11. 2018. godine.

Istog dana na portalu javnih nabavki objavljena je i Tenderska dokumentacija broj: 0101-5153 -3/18. Dana 03. 12. 2018. godine na portalu javnih nabavki objavljena je Izmjena Tenderske dokumentacije, a 7. 12. 2018. godine na portalu javnih nabavki objavljena je Druga izmjena Tenderske dokumentacije.

U postupku ocjene zaprimljenih ponuda, Komisija je pregledom ponude ponuđača ITC Zenica doo, Zmaja od Bosne bb, 72000 Zenica, Komisija za javnu nabavku je utvrdila da je ovaj ponuđač za LOT 2 – Univerzitet „Džemal Bijedić“ u Mostaru, ispunio sve uslove za kvalifikaciju tražene Tenderskom dokumentacijom, pa je Komisija ponudu ovog ponuđača za LOT 2 – Univerzitet „Džemal Bijedić“ u Mostaru ocijenila jedinu kao **PRIHVATLJIVU**.

Komisija za javnu nabavku dala je preporuku rektoru Univerziteta u Sarajevu da za nabavku robe – Plastenik i prateća oprema sa instalacijom, LOT 2 – Univerzitet „Džemal Bijedić“ u Mostaru donese odluku o izboru najpovoljnijeg ponuđača i dodijeli ugovor ponuđaču ITC Zenica doo, Zmaja od Bosne bb, 72000 Zenica, čija ponuda je, u skladu sa kriterijom ekonomski najpovoljnija ponuda, ocijenjena kao najpovoljnija sa ukupnom cijenom ponude od 63.537,45 KM bez PDV-a (slovima: šezdesettrihiljadepetstotinatridesetsedamKM i 45/100).

Po isteku roka utvrđenog članom 98. stav (1) Zakona o javnim nabavkama, Ugovor je proslijeđen Univerzitetu „Džemal Bijedić“ u Mostaru na potpis i ovjeru, a 11. 03. 2019. godine upućen je ponuđaču ITC doo Zenica, Zmaja od Bosne bb, 72000 Zenica, sa rokom dostave do 15. 03. 2019. godine.

Dana 15. 03. 2019. godine zaprimljen je dopis ponuđača ITC doo Zenica, broj: 15/19 kojim obavještava Ugovorni organ da njihov dobavljač, zbog smanjenja količina ne želi da ulazi u proizvodnju ovako malih količina i zbog čega im je otkazao svoju prvobitnu ponudu, te da iz pomenutih razloga ovaj ponuđač odustaje od potpisivanja Ugovora pod uvjetima navedenim u tenderskoj dokumentaciji i ponudi koju je dostavio.

Cijeneći navedeno, a s obzirom da je ponuda ITC doo Zenica, Zmaja od Bosne bb, 72000 Zenica, ocijenjena kao jedina prihvatljiva u predmetnom postupku nabavke, da je ovaj ponuđač ocijenjen kao najuspješniji ponuđač, a da nema ponuđača čija ponuda je na rang listi odmah iza ponude najuspješnijeg ponuđača, odlučeno je kao u dispozitivu shodno članu 72. stav (3) tačka f) Zakona o javnim nabavkama BiH.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

**REKTOR**

**Prof. dr. Rifat Skrijelj**



Dostaviti:

- Opšta poljoprivredno-proizvodno-prometna-uslužna zadruga sa p.o. "BIOS", Visoko
- ITC Zenica doo
- ⊙ Univerzitet "Džemal Bijedić" u Mostaru
- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- Jedinica za internu reviziju
- web stranica UNSA
- a/a